



土岐文庫
文庫17
W61
4



20-4止

文章 17
W61
4



蜀詩卷第十一

明

新繁費密此度選輯

岷陽孫澍子皋校訂

呂大器

大器字儼若號東川遂寧人崇禎進士明末總督江楚駐九江會左良玉避賊鋒逍遙江上呂病自託楚撫王楊基至臥內視之良玉偃蹇自如東川至不卽起謁命子孟庚代參呂公叱曰而父病軍事不可曠有可代者以名來吾立疏聞卽疏游擊憲鼎各將上之良玉怒史公可法移書勉令文武和衷大器曰一扇貽左欸書東

大器、十文
孫氏

昭和六十年二月一日贈
土岐幸吉唐氏寄

010185186194

川老人四字而已未幾朝議改袁繼成爲督大器內召越永明王監國晉少傅鑄銀印使盡督西南諸軍會宗室朱容反赴思南病歿贈大保諡文肅著有集若干卷今錄詩二十一首

晚至閬州

一葉嘉陵下愁心對綠漪。豈無丹闕戀終抱白雲思。輕艇星前導微波天暗移南池千萬折懷古一增悲

昭化縣

不堪百戰後寥落兩三家白骨堆荒草青燐亂晚霞。高城行鳥雀古廟困蒹葭羣盜中原徧愁心未有涯

謝曰李雨村曰音旨淒壯逼似少陵

泊畧陽下灘

祇爭一帶水尙枕小溪眠。漁火穿江出村烽帶月傳孤城還屹爾白叟半蕭然。回憶垂陰處森二俯大川

寧遠

自注唐帝故里

唐代新豐市千年霸業非誰從歌鳳德相對有鷄衣。土瘠蟬吟屋林疎月上扉傷心興廢地落葉帶雲飛

蘧江

孤身行萬里驛路怯星輶樹密烟村小沙平水岸遙。野狐衝馬立山鬼伺人驕漸喜南州地猶看聚晚潮

潭市

曲澗涵秋雨人家水鏡中蜂房綠石竇虬樹繞花叢。農

小十月
事悲荒土。鄉心寄暮鴻。徘徊萬里路。何日到春風。

湘潭道中

世路原多險。况經巉礪行。日從當午見。雲向漏天生。果熟猿朝暮。花深鳥送迎。何時出暗谷。一望大江平。

閒居

好山當面出。知我在幽軒。煨芋聊充飯。烹泉不問源。元譚老子李。稼學小人樊。數得林閒趣。花開鳥亦言。

晚次江門

世事何年定。江皋且振衣。樹紅橙子熟。濤白鯉魚肥。獨鳥衝烟去。殘霞夾岸飛。村醪無處得。空對月光輝。

舟中聞笛

夢餘猶枕午風涼。野笛何心欲斷腸。萬里一身秦塞柳。扁舟五月玉門霜。故園去二雲山盡。白髮移二道路長。不比笳聲頻入耳。擬邀子野到征航。

陽平關酬友人席仲材

山河百二劍鋒摧。漢上猶思召父來。短綆終無弭亂策。中流空詔濟川才。子遺聊與鷓枝寄。大力還須鵬背回。畚築當年亦細事。漫將涕淚洒蒿萊。

謝曰李雨邨曰少保初築陽平關。自禦流賊。惜後無繼之者。一結聲淚俱下。

渡皋蘭作

相隨洮水渡蘭津。高柳垂條麥浪勻。玉塞西馳尊八極。

小
黃河逆轉壯三秦應教滴博歸荒服更遣輪臺置守臣
此日神州煩擘畫且從徼外洗烟塵

雪山

光搖旌旆五涼平天外羣峰玉削成瀚海欲空青見月
燕支未染白如瓊飛鴻已度長城窟勒馬還歌出塞行
朱夏重裘猶不解崆峒倚劍白崢嶸

鎮羌道上有感

鷹眼何堪秋草枯姑臧清節至今無籌邊不肯空談虎
策國豈容先問狐已許此身嚼塞雪那教鄉夢到江鱸
雄風歌罷秋聲壯古驛亭前倚湛盧

早發古浪

水贖山殘接大川平沙一望不分天何從去覓金屠澤
且喜來無鐵箭傳秋草正肥驕塞馬寒膠可折勁霜弦
孤城昨夜隄防密鼓角聲高壓遠邊

雙塔道上

七月柳青麥未黃江南花盡塞垣霜一灣清玉流殘磧
萬里寒沙築大荒劍舞明星緣露淬弓彎新月倚風強
白狼西去烟初盡莫唱涼州客思傷

靖邊作

鳴沙萬里憶芙蓉午夢猶酣客思慵戍卒秋新思飲馬
將軍歲久不傳烽停車無計綢繆戶乘傳頻勞進午饔
獨坐帳中驚白髮何堪砌下響秋蛩

五涼郊行

旌旗晝捲出城闌。緩帶無妨步塞塵。石列魚鱗能次序。山垂碼碯自嶙峋。玉川宛轉歸王國。金塔高嚴類古人。莫謂黃沙春不度。朔雲邊柳白芳辰。

落索河有感

百折波濤險。一滋山澗清。天高雲黯淡。巖老石崢嶸。古洞都成穴。諸峯盡築城。版圖猶蜀界。風土半秦聲。杜宇啼方歇。銅駝歎未傾。旌幢連赤縣。烽火到神京。嫫婦徒存恤。羣臣孰請纓。傷余才畧淺。深愧李西平。

黑松嶺

漠二濃烟罩萬松。逶迤秋嶺盡成龍。聲寒鐵騎千軍肅。

一線遙看古戍峰

采石磯晚眺

磯頭誰忍坐垂綸。天送閒緣一葉身。烟護萬松二月雨。水圍千舍六朝人。

澗曰右詩原七律今從李雨邨蜀雅改本

張拱機

拱機字羣玉號崆峒內江人崇禎進士引光朝官至湖西道著有磚趺集若干卷今錄詩五首

夜泊白沙

平沙迷細雨。斷岸接寒林。江凍漁舟靜。雲低駟路深。積陰生野渡。餘暝入遙岑。是處聞歌哭。淒其客子心。

彝陵對月

一片彝陵月來隨出峽人寒黍江氣重清迴客愁新風浪連河漢兵戈滿路塵新亭還痛哭昨夢入楓宸

送杜毅齋楊六清册封琉球二首

伏波橫海指南車姑米風濤接旄旟去豈張騫求善馬歸如陸賈獻新書雲帆信宿雞籠島天水淪漣象浦漁見說廟謨將謝贄蚤圖王會到扶餘

扶桑戈甲耀龍洲萬里皇華紀壯遊鮫女弄珠迎皓月蜃人作市結高樓虞熏卉服來重譯禹貢冬圭利建侯好語大明天子聖遠人休獻雉頭裘

別林茂之

遊罷峨眉賦采薇青衣自注江名搖落送將歸計程千里鄉園晚白雪梅花一夜飛

柳寅東

寅東字鳳瞻梓潼人崇禎進士官至僉都御史入國朝寓居維揚著有來鶴堂詩集若干卷

今錄詩四首

和胡宗伯菊潭夢遊峩峩山

三峩不可即遠在西南徧白日迷歸路青天上睡僊鉢馴龍子蟄樹闔定僧禪榻二遽然後逍遙再著篇八十四盤道懸崖撒手行將迴西日馭欲踐北山盟見雪知盤古因風問廣成緬懷王逸少未至已馳情

家山十載別客路半生勤處世覺同夢入林吾與君深
溪憑虎渡聖水自龍分想見詩囊裏兜羅上界雲

望泰山

邃古誰開闢東維奠奧區廢興知魯衛封禪遞唐虞山
呼今天子松傳古大夫長生如可學應有白雲都

增

費經虞

經虞字仲若號鮮民新繁人崇禎舉人家居事
親孝入官又廉潔愛人初令昆明土目吳必奎
反策平之歲凶奉檄驗閱武定災黎全活甚眾
擢通守遷桂林太守引疾歸里遂著書不出編

州李雨村蜀雅曰仲若當蜀亂之後獨能巨詩

學世其家子密孫錫琮錫璜俱馳聲藝林再傳

不替可謂有鳳毛矣所著荷衣集若干卷今錄

詩十二首

往定軍山下潘氏投徒自注崇禎年作

國亂民生蹙西南久困兵流離心不定鄉塾事猶清花

啟新蓬戶書傳舊讀聲一官如夢斷垂老只諸生

喜張象獅至揚州話舊

吾子何時至鄉音入耳新久為吳地客終是蜀山人治

酒坐中夜看花到暮春百年才論定只恐愧芳隣

所聞

小廿六
共傳徐元直尚在南山雲我欲從之去高峯麋鹿羣瀑
寒畱古響松老亂蘿交別有閒田宅種花無夕曛

上梅花嶺

傳說隋朝苑蒼茫烟樹空殘陽迷野寺古駟向江東一
代高原後孤墳亂草中逢人求故事何客號于嵩自注揚州

北郭有史相公墓

遣兒密往襄城投徒

送汝出門去高堂淚黯然病來今更瘦亂後久無錢斑
白來千里全家食一編艱難宜力學大父是先賢

定軍山下村居

倦後披衣獨上臺白雲紅樹一重開石泉香透花長落

木葉聲乾雨乍來觀物未能忘舊事避人少欲著新裁
耆年何處歌商調扶病相從聽可哀

自漢中攜家往江南

蕭條故國賦東征白首攜家萬里行珠樹有禽隨我隱
玉山無地傍誰畊餘生已覺羞鏡柄舊曲何堪變羽聲
夜起呼兒同玩月老夫不是為多情

雪

高城臨水浩無涯雪片飛來奪月華天上遂教殘玉樹
人間重見種瓊花丁年絕域迷歸路子夜孤舟未抵家
吳越乍聞歌楚調空流老淚濕琵琶

思蜀

大...
古棠書屋

垂老無家只自憐。不堪往事益悽然。當門慈竹八千里。
昨日疎梅二十年。既使丁男安稼穡。遂無姓氏到風烟。
春時更覺傷人意。寒食青_二麥滿田。

揚州春日

緩步西郊日欲曛。水流花發又春分。久無弟子傳秋駕。
空有佳人隔暮雲。沒盡雙鴻聲尚在。飛來小鳥食爲羣。
興酣思續蕪城賦。老大悲傷不好文。

歸田吟

出山未達便無家。結屋青城上紫霞。手版何曾成一事。
幾年辜負碧桃花。家破猶餘半畝塘。杜鵑啼處柳絲長。騎牛不到人間去。

白髮蕭_二晒夕陽

程翔鳳

翔鳳字羽玉。蘆山縣人。崇禎舉人。引光朝督師。
呂大器舉爲太僕寺少卿。出爲四川威茂兵備。
道卒於郫縣。詩二首。

春夜攜幼子行梅花下

山風吹雨暗塵沙。銅馬干戈閱歲華。愁絕病中宵不寐。
空山明月看梅花。

憶傅彥博

三年病骨益珊_二。折得梅花欲寄難。烽火尺書題萬里。
關山愁對一尊寒。

陳周政

周政字子鵬營山人崇禎進士好吟咏性高奇
 初令潛山門人汪延造請刻其集一日謂延造
 曰吾欲悉取舊作焚之曰何也曰始吾喜讀未
 見之書賦驚人之句乃今而知吾儒有布帛菽
 粟日星河岳之文昔皆炫奇弔詭也吾儒有黃
 鐘大呂清廟明堂之音昔皆蟲語蛙鳴也吾儒
 有天清日麗和風慶雲之景昔皆陰霾暮氣也
 其自道如此密夷考所著無以異也官至太守
 集若干卷今錄詩五首

巫峽

巖壑沿江矗重關絕壁分楚王原是夢詞客枉為雲樹
 色晴光見猿聲夜月聞高峯有麋鹿不與世人羣

風泊秣陵江

節已臨重九天涯賸獨身夏蟲何足語秋色苦相親巴
 曲風吹斷湘魂夢不真秣陵無限酒不肯醉愁人

章臺

三休當日罷登臨廢殿無香井亦沈贏得躡青還士女
 垂楊垂柳綠成林

真娘墓

迴身豈獨化為雲不向人間索碣文記得浣花溪上路
 天桃三尺野狐墳

寄李瀟水

洞庭春水落花流。君若來時莫待秋。買劍買牛無一事，夕陽高醉岳陽樓。

花上苑

上苑南充人崇禎進士官至衢州府西安縣知縣詩一首

九日和郡守韻

參差遠岫碧雲斜。九日登高玩物華。共說蓋公能治郡，不妨杜子老無家。披襟物外同扶杖，整帽尊前漫插花。烽火東傳氛又惡，使君何以慰三巴。

李實

實字如石遂寧人崇禎進士官至江蘇吳縣知縣性嚴正于書無所不讀鼎革後寓居舊治崑山村湖泖盜賊竊發劫掠富家環如石居里許輒勒幟曰此李令君居也有敢入者刑無貸遂寧馬生自蜀來省其父道遇賊舟越其貨生曰我李令君戚也羣盜遽止並另資以舟遣人送至如石所後徙蘇市隱居三十年子仙根入國朝以第二人及第官至少司農如石終身方巾布袍如未有祿養者年八十卒所著有蜀語吳語集若干卷今錄詩四首

歲暮感懷

門前五柳棄微官。荏苒年華閱歲寒。齒到知非方學易。
老來行路極知難。飄零白下家重破。痛哭青雲夢已殘。
故國烽烟邱墓遠。梅花冰雪日憑闌。

送王元倬

大江風送孝廉船。吳市班荆跡又刊。天下文章如我輩。
古今忠孝定誰傳。新亭淚洒庚申歲。彭澤詩編甲子年。
後夜荒雞聲喔二。知君起舞不能眠。

蘇州逢張敬修山人

吳市逢張老。班荆過小園。長安多少事。閒坐說開元。

春閨曲

碧玉堂前柳絮飛。白狼河外信音稀。征夫不及營巢燕。

歲二春風一度歸

李祥

祥字長發。號硯齋。達州人。崇禎進士。詩二首。

野池秋夜

積水連荒草。空明皓月懸。已知清似鏡。不覺曠于田。
那有潛龍蛰。應無涸鮒憐。一方河漢影。永夜落尊前。

秋懷

江上烽烟正暮秋。石城涼雨入高樓。金山雲暗天方醉。
滄海星飛水自流。白下露催園菊老。紅橋風送井梧愁。
老夫起舞恆通夕。不待荒雞已白頭。

密曰寄託顯然

呂潛

潛字半隱別號石農遂寧人大器子崇禎進士
入國朝不仕卒揚州府志潛工詩文書畫人
得其尺幅皆珍之嘗遊宮氏春雨草堂與姜垓
梁以璋酬唱世傳爲盛事著有課耕堂集若干
卷今錄詩二十首

上元日懷兩弟

已斷江南夢荒園勝事增遠灘春社鼓寒月草堂燈濁
酒因隣得嘉蔬近圃登佳昔兄弟隔愁思獨難勝

送友蒼上人住水西

瓢笠歎無定名山久待公雪殘春路滑雲過晚江空道

力馴岩虎鄉

塞鴻還憎多慧業詩句滿南中

秋水園卽事

近午過重溪亭空春草齊幾家團市小一寺背山低花
隱漁人路香畱燕子泥前賢遺澤在五夜尙聞雞

邗江夏夜懷史赤豹蕭寺

飛鳥不知處孤城生暮雲吟邊誰最苦鐘畔爾先聞月
冷空王閣風號故相墳蜀岡有歸路吾亦戀斜曛

吳園次罷守吳興感贈

不悔無家計蕭條傍雪村經宵蒸柏子向月倚桐孫楚
塞烟波濶吳船洞壑尊有昔念漁父短服過柴門

江陰晤年友張四若志感

二十年前別重逢白髮生登堂如有淚對面各無聲多
難惟存骨居貧不墮名天涯兄弟少悽絕動江城

夜登君山

日與山相對追涼上晚磯月沈江樹暗風急浦燈微舊
壘逢僧指荒祠到客稀登臨期更盡徐趁野螢歸

大水渡泗州

浩二春濤濶孤城一葉浮烟波淮水暮風雨泗陵秋戍
壘存官渡蘆花伴客舟年二涉江渚愁絕此中流

登開元塔

自注北宋築以望契丹一名料敵塔

漠二河山盡朔州紺宮曾與作邊籌驚看白日憑飛躡
絕少黃塵到敝裘唐世何人分雁塞宋家此地劃鴻溝

自注州有唐城未與遼分界處

于今北望休乘嶂獨寄征人萬里愁

上谷感懷

自注先司馬以崇禎癸未春總督保陽距今三十四年矣重到賦此

趨庭猶記少年遊大燾威名易世留上谷峰沈青海月
中原魂斷白雲秋麒麟臥宿三川草蝴蝶驚回八渡溝
華表不歸遺老盡斜陽立馬淚難收

石亭寺樓與友人話舊

江濤如雪亂飛鴉客裏逢人漫憶家杜宇叫殘巫峽夢
鷓鴣聲斷嶺南花天涯寄食無耕土世外藏名有釣車
試看滕王遺跡在西山空對晚烟斜

奉寄李制府

灑灑嶽崎四百灘從今蜀道不言難
濛濛風駛波聲動

蛇鳥雲高陣氣寒。父老久煩司馬節。西南再築武侯壇。懸知儉府多奇士。倘許歸來廁鵷冠。

沐梁

魚龍去後息兵爭。萬井依然禹甸清。望裏遺宮春草沒。吟邊古戍夕陽平。遊梁詞賦慚司馬。入洛年華異賈生。欲問夷門栖隱處。荒堤衰柳不勝情。

過蜀府二首

鐵券金符付劫灰。桐圭零落蜀王臺。誰從輦路鳴鞭過。猶記宣門拜刺來。智井寒泉沈鳳羽。天街白日走龍媒。短牆桃李家二發畫角聲中杜宇哀。

陸海塵飛片各昏層城茅屋半。江村遺宮日落牛羊下。

野市人稀虎豹蹲。椹樹冥二香徑遠海棠馥。二翠雲繁摩挲。但有支機石。尙共銅駝臥草根。

澍曰獻賊後錦城荒涼之境如在目前

成都雜感

繁華閨閣重詩書。賦就濤箋錦不如。萬里橋頭吟社散。枇杷花下更誰居。白注前朝婦女皆有詩社

客中逢梅溪侍御爲作畫

往事已隨春夢斷。故人相見說林巒。岷峨歸思濃于酒。枉把家山畫裏看。

江望

橫江閣外數帆檣。立盡西風鬢漸霜。只有鄉心不東去。

早隨烟月上瞿塘

孫鋌曰曩于錦官市見半隱自書此詩漸字作欲索價萬錢翼日典衣往購已為宮保某甫有矣

遣興

烟中白鶴獨飛還相伴孤雲盡日間落日放船湖水上
一簾秋色看青山

暮靄霏二捲翠峯遠籬落葉有形蹤杖藜獨自行吟去
不是尋山定看松

呂溥

溥字卿藻遂寧人潛之弟詩一首

成都道中感懷

老大苦奔波人憐亦自知蕭條家計拙潦倒壯心違接
劍星辰動狂歌日月馳丈夫悲慷慨莫訝鬢成絲

何其徽

其徽字慎五長壽人崇禎舉人官至左評事詩一首

煉丹臺

徑長藤蘿石長苔真人一去不重來餘丹付與凡雞犬
也挾飛昇渡世才

劉養貞

養貞字念衡大邑人崇禎進士十七年養貞以
郎中推鳳泗道未之任會李自成陷京師烈皇

帝殉社稷既殞百官一臨卽去養貞麻衣冠宿梓宮旁哭泣送入陵寢都人謂之劉孝子後賣卜于茶食衲衲病卒集若干卷今錄詩八首

感遇詩

魏二漢上宮憶交及舊窮負薪六月裘瞠目來芳叢闕博悔良夜光華恨已東盛大未易居驂乘詎無功草堂覆杜甫數椽栖揚雄念想知不遠行止將無同瞿塘水畫斷峽天亦甚微泛舟夢想中隔代猶依二鶴鳴聲亦近更生心豈違談言未解婪壯士髀肉肥誰忘名貨想從容辨支機
瓠子艱負薪壁馬詎能塞讀賦氣凌雲巴蠶生華色豈

有一雁功堪回典屬國偉哉漢昆明千古誰與涉石鯨秋風裏懷人思反側

病中誌感

年來病瘦二何如餘髮蒙茸不著梳詎信人生同傀儡焉知大造亦籛籛未成化鶴人皆笑願拜啼鵲客亦愚已是途窮無避處餘生能值一錢無

游仙吟

孤鴻叫破沈寥天驚斷狂征夢不全絕念美人猶渺二欲聾老耳故潺二秋風實為真愁烈屋漏偏隨望眼穿惆悵鼎湖龍去遠更無弓劍似當年

和胡菊潭秋感

小十、
何日呼韓罷乞盟。榆塞安危今更重。柳營號令昔知名。
期門昨日傳飛檄。西土重聞賊騎橫。

題洞庭龍王廟壁

我是人龍君亦龍。君我胡爲乎泥中。來朝共借青驄雨。
手攬風雲起太空。

宿士敏

士敏字元魯。夾江人。崇正諸生。張獻忠據蜀。建
號大順。下計縣邑。迫諸生就試。士敏裝行至千
佛巖。策馬投江。泅而逸。匿黎雅山中。易名臥雲。
子肆。終身不出。詩三首。

石門

靈峰人不到。雲鎖石門幽。一夜溪頭雨。桃花出洞流。藥
香來白鹿。苔軟臥青牛。聞有真仙隱。松深不可求。

道宮

絳闕開青壁。丹梯入翠微。松聲泉亂落。鳥影葉爭飛。花
引樵人入。雲隨道士歸。仙靈未可遇。悵望石巖扉。

澗曰李雨邨曰二詩俱有高山流水之趣

秋意

雨霽螢過水。松涼月在枝。此中無靜者。秋意有誰知。

曹 椿

椿字大木。敘州府人。崇禎舉人。引光初元官夾
江縣知縣。著有鵲血集。上下卷。今錄詩一首。

大明寺考錄儒童題壁一首

高樓野望影蕭蕭。六七儒童伴寂寥。四野青山環廢縣。
一僧白髮話前朝。治軍久已蟻生胄。課士猶然劍繫腰。
濁酒花前聊自適。平原鷓喚倍魂消。

澍曰此詩與蜀碧所載小異

趙 熠

熠字方開安縣人獻賊屠安邑諸生二百人一
皆皆盡方開先遁故免于難詩一首

江上晚望

一片水光秋中有愁來處却笑晚行人悠二此中去

蜀明詩卷第十一

蜀明詩卷第十二

明

新繁費密此度選輯 岷陽孫澍子皋校訂

齊 瓊芳

瓊芳字義林成都人崇禎朝屢舉不第以明經
赴廷試卽試題上書言京營之廢弛陳啟新之
冒濫被黜歸作寄二亭與里中名士相唱和獻
賊陷成都自焚死詩一首

過邯鄲經故蜀總制張公故居

在昔狂酋嘯聚時。龜城十萬下王師。國門已自勞推轂。
幕府何人解出奇。西土又傳銅馬闕。北來不見捷書馳。

小十八
狂生憂國憐知己大樹當前淚雨垂

澍曰憂世事感知已此明經亦有用人也其如當日
廟堂諸公何

張于鼎

于鼎內江人崇禎舉人詩一首

同客登爛柯山感事

雨氣濛濛入午涼傍山一徑稻花香雲浮鐵馬秋高候
日落猢猻樹倒旁同調風塵多聚散故鄉烟水迥荒涼
爛柯覆局須兒事恨裏雍梁百戰場

澍曰明季朝局蜀中亂離開遊中一詩道盡

李含乙

含乙字東生號青藜渠縣人崇正進士授職禮
部主事乞假歸里值張獻忠據蜀僞令某索之
赴水拯起不屈下于獄邑人攻殺僞令含乙後
與賊戰死著有集若干卷今錄詩五首

舟次灣頭雨後對月

雨霽涼風發樹影凌灣頭孤舟泊柳下沙鳥同客留
更深諸籟寂明月泝寒流孤磬隔林樾遙笛橫高樓適有
酒一樽浩歌遣牢愁

晚發海陵至江都

日落孤帆靜漁歌極浦聞江光涼泛月山色晚含雲
喚渡歸人急揚帆估客勤繁華今古夢惆悵村司勳

哭劉桐人

只道傳言誤，今聞死竟真。茫二千古事，草二一家人。素業凋前輩，青雲接後塵。名山同著撰，大雅失扶輪。

晚春渡京口

久住蘆鄉接水濱，雲霞京口蹋芳辰。渡頭黃鳥迎歌女，江上青山靚故人。潮打落花寒似雪，風吹細雨散如塵。金焦更踐登臨約，四楚烽烟一愴神。

秦郵

秦郵流水夕陽天，士女鳴橈蕩畫船。澤國有田皆種藕，高樓無處不鳴絃。文游臺上空秋月，蟹社湖頭白暮烟。自古繁華易衰歇，青山如夢集尊前。

楊 荷

荷號竹泉崇禎蓬溪諸生詩一首

舟次雨夕

江城更漏遠，夜雨打船頭。獨宿蘆花裏，寒濤入夢流。

楊 廷極

廷極字青石蓬溪人，荷子崇禎舉人詩二首

別羅訥庵

野閣蒼茫聽暮笳，深山歲月老烟霞。難逢青鳥傳芳訊，何處黃柑問酒家。世上干戈新漢魏，雲中雞犬舊桑麻。門前振擲桃花水，欲待漁郎日又斜。

贈山僧

小十六
洞中閒歲月江上足風波師自何年隱空山長薜蘿

李永周

永周字完冲成都人崇禎舉人仕至分水令鼎
革嘗卒於官詩一首

旅次望月

獨有中秋月年二異地看長留滄海影遠照錦江寒戎
馬家何在艱危計總難詩書慚許國無補到衰殘

唐階泰

階泰字亨予達州人崇禎進士官至南京禮部
郎中擢廣東海北道未之官會國變寓居吳江
病卒詩三首

蘇州僦居不得記感

那有神師降空聞鬼市騎壓鷄非我力鷓鼠笑人勞十
二樓還在三千路不遙獨憐朱戶月滿壁映弓刀

霜降

祝二聞雞過趙二戒履霜椎牛賓兕象磔犬祭豺狼雲
際開雙闕江邊列萬航龍騎喧內廡陸繹賜汾陽

晨興

布被難相戀晨光滿畫檐江聲侵枕亂風信到門嚴潤
自生高閣涼偏媚短衫秋心無可語卷幔一峰尖

楊展

展字玉樑嘉定人崇禎己卯第三名武進士官

古棠書屋

參將獻忠據成都遣兵四掠展從總督樊一蘅
抗之次第收嘉眉諸邑黎雅災黎潰卒多歸之
有眾數萬會食不足展予農民牛種使子環新
度地襍畊歲獲粟數萬鍾蜀南賴之一皆紳士
起兵拒賊者皆倚爲長城後爲西充李乾德所
害賊復入川又十餘年乃定引光朝晉爵華陽
伯詩一首

峨眉山禮佛詞

極天烽火照峨山十載慈悲慘佛顏夢裏涅槃身重到
青山無恙白雲閒

安爲畢

爲畢巴縣人崇禎諸生詩一首

乙酉山村元日

荒村逢令節野哭入春田西土專征日南京建號年狼
烟消未得雉堞破無全十萬貔貅集環江夜火然

潘紱

紱字來朱大足人崇禎舉人官至詹事府主簿
年五十卒于遵義著有盎中鳴稿若干卷今錄
詩三首

游華岳

名岳西寰區茲山冠靈贖上懸萬仞梯下瞰無底谷九
州奔轍同一往心神肅婚嫁向平畢仰止子長篤瞻矚

大
三
分
廿
八

詩
卷
十
二

五

古
棠
書
屋

情已欣躋攀徑如熟乍喜脫塵襟况得返初服屢憩叩
天關羣趨撼地軸紛綸螳尋垤險絕孫升木澀縮俯察
蹊凜凜懸崖屋夙聞赤松徒栖真傍巖麓攬勝眺難周
結隱隣堪卜愷悌神所勞不回敢求福

晚入小灘廢寺時有秦警

荒徑曲縈溪寒烟磔馬蹄漁燈攬浪碧鴟吻咬雲鰲砌
濕蛩吟急檐虛雀語低僧房眠不得起舞正聞雞

老女吟答人

自注順治初
元寓滇中作

少小羞聞戶外言不知媒妁幾寒暄無端忽聽隣家語
笑整羅衣獨閉門

澍曰李調元曰讀此可自想主簿貞志

朱耀先

耀先字友銅合州人崇禎癸未進士官至侯官
知縣鼎革後卒于蘇州著有雞肋集若干卷今

錄詩二首

贈陳鶴書

花肥嫌近嬾竹瘦病其孤請處花竹閒大雅而清腴咄
哉陳元龍淮海氣未除險語役牛鬼章句篆蟲魚賤子
與之友荏苒十年餘桑梓迫秦寇不得安里閭燕市思
挾策遠欲干帝廬治安起賈生痛哭當何如公卿不見
收南來騎蹇驢離騷手一編吳市而華余破涕與之酒
且勿歌無魚

同坦夫載酒汎舟紅橋

麗霞欲落明江濤。斗酒雙魚泛蓮浦。梅花野鶴不可尋。
荒草迷樓自今古。數聲金管麗人簫。新月娟娟趁柔艣。
碧雲綠樹相輝光。蘭缸芙蓉佐歌舞。只惜諸君醉夢中。
半壁江山入鼙鼓。老夫繫纜歌蘆中。唾壺擊缺淚如雨。

朱圻

圻成都人官爵未詳詩二首

玉峯道中

一帆江上路。鼙鼓戒斜陽。野燒連天白。遙烽映日黃。稍
田征騎滿江。駟水禽荒。旅泊還多畏。宵行趁月光。

聞鶉一首

杜宇有何憾。空山徹夜鳴。不知新市改。猶作故鄉聲。天
外悲亡國。樓中哭旅情。江南春又晚。烽火照高城。

孫鏞曰一氣旋折此等詩看似平易却含有無限感

慨

祝之至

之至字一生洪雅人崇禎十六年進士蜀亂後
入峨眉山為僧著有嘯談集若干卷今錄詩十

一首

返田居

自注昔聞秦寇至境

不堪城市住。還入野園桑。苦竹輕浮粉。甜瓜老著霜。社
倉聯土戶。菜把足家常。天險今能恃。秋耕不可妨。

雨後蒲亭道中

十曲蒲亭水。春烟帶濕生。泥侵雙屐滑。雲漏一峰晴。雨過天如沐。花香鳥自鳴。短衣隨野客。盡日畫中行。

澍曰春烟五字工甚

山房夜月

江聲喧草閣。雨執入巖松。忽湧中天月。還明隔岸峰。瓠笙寒作蚓。香篆濕盤龍。一榻當門坐。西山翠幾重。

秋日山中感懷

枉作凌雲賦。窮途被墨磨。心清容寂寞。道在惜蹉跎。水涵蛟龍困。門荒鳥雀羅。山中淹歲月。心跡託維摩。

黃鶴樓

江天樓閣兩茫茫。鐵笛消沈旅思傷。萬里人烟迷楚望。千帆雲樹轉潯陽。晴川近接東南戍。幕府重分上下航。振擲雄圖懷往事。武昌重弔紫鬚王。

金陵

東南形勝帝王州。幕府維揚鎮上游。人物衣冠三楚麗。鶯花風雨六朝秋。又傳簫鼓歌瓊樹。重見烽烟滿石頭。往事陳隋飄忽盡。新朝天子正無愁。

澍曰條獻愴歎如聞彼狡童兮之感

西湖

烟波好放秣陵船。正屆杭州二月天。兩岸波濤歌管口。一窠鶯燕被除年。夢中北闕春將晚。畫裏西湖月正圓。

南宋中興陳迹在水光山色不勝憐

雪

郭外無聲細二飛。晨光早已映綃幃。九達乍集紅塵散。萬壑平鋪曲徑微。家貧常防幽寺火。寒溫誰到野人扉。銷金窩煖侯門醉。可識災黎盡鐵衣。

花朝思蜀

芙蓉城外浣花村。往日青衫尚酒痕。可惜王孫生鶴髮。不堪古帝是鵑魂。巴箋零落吳江信。楚望淒其錦里園。國破家亡重回首。百年心事與誰論。

春日江村書感

空村盡日鷓鴣啼。一路王孫碧草萋。巢燕歸來喬木盡。

難將衣食問黎

秋晚一絕

日落平羌江水秋。黃花香裏一登樓。三生色相憑誰証。長對峨眉月一鉤。

郭奎先

奎先字浼文。羅江人。崇禎拔貢。官至松江府通判。著有烟波草堂集若干卷。今存詩九首。

江上見鶴

白鶴衣如雪。烟波朝溯洞。偶然同鷺立。莫作羨魚猜。東海神仙馭。西山處士臺。榮華似朝槿。休絆出塵才。

吳門雜感

乞食悲吳沼。空餘世系存。荒淫悲帝子。流落到王孫。鼓角哀闐市。烽烟變里門。洞簫斜日路。羈客倍消魂。

哭徐閣

笠澤巢林鳥亂飛。天涯兄弟失相依。十年家國飄零盡。萬里馳驅心事違。夸父遊魂還逐日。萁引憾血早霑衣。涼風皓月朝陽路。玉帶方袍夢裏歸。

重至雲閒感懷

青山霽色入高臺。短笛雲閒淚眼開。陌上銅駝新草樹。門前金馬舊蒿萊。千秋弓劍餘王氣。一代風雲証劫灰。光景不殊人代改。不堪車馬是重來。

濟上太白樓

太白當年濟水湄。高樓曾記換金龜。我非名士長耽酒。人說鄉人善賦詩。十里晴波搖白練。一堤烟樹轉黃鸝。鏡湖亦有高樓在。共是先生落魄時。

偕楊子存題妓館

春愁莫賦五噫歌。舊日青樓處。二過老去越吟傷。潦倒同來杜曲暫婆娑。雲消河漢星晨散。秋老梧桐落葉多。一曲琵琶人雨泣。年來蹤跡託烟波。

丁未人日柬江式繩

連朝礎潤凍雲屯。今日晴霞湧瑞暎。遠樹含烟如欲吐。幽禽弄日漸爭喧。君多逸藻花生穎。我怪狂吟舌莫捫。回首錦江春夢冷。只餘芳草憶王孫。

謝曰五六俗

漂母祠

英雄那有飢而死一飯千金說報恩今日淮流南北岸
更無漂母客王孫

酒樓

桃花半落李花稠坐對鐘山舊酒樓一事傷心思醉死
人前還典鷓鴣裘

徐永周

永周字公穆閩中人侍郎紹吉子崇禎貢生宏
光朝官翰林院孔目配王氏有國色獻忠亂蜀
嘗賊將李定國得之欲納為室氏不從殺其傅

母不動又殺其姑終不屈乃大罵賊醢之亦
烈婦也附記于此詩二首

遠望

遠望憑高閣家山何處歸乾坤烽燧滿海岳旅魂飛任
俠餘長劍閒遊著短衣東籬花又發晚節正相依

姑蘇送夏何能

與子復言別江湖感正同半生艱險外八口亂離中水
駟春潮白楓橋秋葉紅阮生多少恨痛哭悵途窮

趙司鉉

司鉉字翼黃彭縣人崇禎舉人宏光朝李乾德
經畧六省奏補建昌兵備道後卒于重慶詩二

首

越雋寒食感懷

春事悠二感歲華獨憐寒食在天涯雲生古寺迷芳草
風起山城送落花官舍紛紜民吏瘁蠻荒迨道士夷譁
孤墳麥飯何人薦西望天彭感物華

謝按督師王應熊初以司鉉授越雋

撫夷同知監川西義兵討賊詩當其時作

拜將壇和費此度韻

高臺遙枕碧流斜老去將軍罷種瓜荒砌百蟲啼夜雨
空江一雁落殘霞登壇事已驚諸將守冢人誰置萬家
寂寞淮陰尋故趾斷隄衰柳宿寒鴉

澍曰三四原作荒砌有烟籠遠樹空江無雁落殘霞

今從綿州李雨村改本

趙士昂

士昂涪州人崇禎諸生右手為流賊所斷左手
作草書甚佳詩一首

清溪春雨

宵雨逐春來江城柳色開江山非故國花鳥人高臺世
亂尤多畏天窮更不才故園烟樹裏何日蹋蒼苔

王岳

岳字采山廣元人崇禎諸生詩一首

大湖石

片石傳湖上潛龍跡許通耿然方特立藁爾本無功性

大湖石

同詩卷之二

古

古棠書屋

自堅貞得身隨傀儡窮莫嫌頑不轉介不與世同

王淑

淑字子叔大寧人崇禎明經蜀亂後寓居揚州
著有怡雲閣集若干卷今錄詩三首

天姥書院

書堂曾夢到杖策入巖阿葉墜寒溪淺嵐封峭壁多
古
人今不作大雅近如何世外閒風月蕭蕭老薜蘿

同岳石齋民部遊念山話別

一塔前朝建昂藏共客昇山根疑積雪樹杪見疎燈
戰
伐悲昭代逢迎愧老僧徘徊石庵下落葉響秋藤
躡屐聯遊眺江山共別情風雲知感慨歌哭亂平生岸

濶浮烟碧江空落照清故園歸未得豺虎跡縱橫

張三顛

三顛綿州人崇禎諸生詩一首

獻賊破綿投水詩

生為大明生死為大明死投身清流中戰場為厲鬼

王命來

命來字如綸江津人崇禎舉人詩一首

山中

江上青峯紫氣浮松門苔徑映清流
茆堂雨過瀟湘暝
臥聽空山一夜秋

劉道開

大明文苑

詩卷十一

十三

古棠書屋

道開字非眼巴縣人崇禎十六年舉人 清興
總督李國英駐師保寧重其為人欲官之謝而
不顧走耕于野晚授徒漢中注楞嚴經自號了
庵居士有集若干卷今錄詩二十五首

山居

結茆亂山中古松覆茆屋松子屋上落白雲屋下宿三
冬不出門地鑪燒榻拙一卷黃庭經卓帕蒙頭讀

倣柳子厚田家詩二首

無事入城市往來惟陌阡養身資筋力辛苦聊服田籬
邊喚雞雛仰眎防飛鳶勤動在終歲積儲無隔年租稅
幸早完安穩日晏眠濁醪相與酌妻子共陶然

柴門掩殘照秋原耿將夕牛羊入深巷四野何寂歷娟
娟月掛簷唧唧蟲鳴壁老農不耐閒箕坐手織席兒孫
雖復多嬾輒受贖責黽勉盡人事淳悶感天澤相忘仁
政中但愁豺虎跡

新方道中

我行新方道蕭條極四野老樹飢鳥啼蒿蓬高于馬日
落無上人寄宿頽牆下梁棟摧為薪蒼苔繡殘瓦當時
田舍翁豈知屋是假天明向前去修途泥沒髀繁霜被
草木觸之如雨洒客子衣裳單苦懷難盡寫曦馭久當
卜遲二句為者

白帝城歌

白帝城古人築。今人增。古人築之兮。險不可升。今人增之兮。賊來便焚。噫。欲歔乎。人有古今兮。城有古今。

桃源行

桃源兩岸桃花紅。中間一水漁舟通。舟行轉折不記數。轉折只在桃源中。水窮花盡青巖立。洞口藤蘿蒼翠濕。漁郎當日亦好奇。繫舟樹根孤身入。黝然數武豁然開。平疇廣陌曙光暝。龐眉倚杖三四叟。笑問客從何處來。不疑非類共相語。邀歸茅屋具雞黍。家二間得競相邀。質朴淳風同古處。自言先代因避秦。不知今日是何辰。兒孫但識桑麻景。草木猶知天地春。平明漁客以歸告。挽留不住從其好。臨別叮嚀重致詞。此中不足爲人道。

倉皇出洞解漁舟。處二行蹤識舊游。有心要續無心遇。仙洞雲封何處求。

晚秋曉雨

萬籟何刁二。吹雲亂眼飄。秋光偏在暮。雨色更宜朝。聯席清樽集。當軒翠岫遙。庭前有殘菊。晚節淡香饒。

初冬小雨集冷龍庵宅

幾日冬冥令。掀翻白帝秋。炊烟低屋角。濕霧起江頭。鑪冷剛宜炭。簾垂不上鉤。主人有大斗。一爲蕩羈愁。

冬園晚菊

畱得秋容在。閒畦一兩枝。殿花甘獨後。淩雪故多姿。晚節誰能並。寒香我自知。落英原可啖。薄采未云遲。

所居三首

所居能種竹何必入山深與世爭尋直呼兒惜寸陰三
 杯彭澤酒一曲廣陵琴此意無人識巡簷笑獨吟
 何物志人耳綿蠻鶯有聲曉山雲外市春樹雨中城小
 艇堪垂釣平疇足耦耕獨憐車馬客役二爲浮名
 門掩遲一日翛然抱膝歌花繁多蝶至蘚厚少人過雅
 尚甘藜藿遐心在澗阿十年攜一劍缺折不堪磨

他鄉

故里荒三徑他鄉受一廬妻奴皆荷鍤童僕解耕田飲
 啄雞雛長扶疎菜甲鮮興來思命酒細數杖頭錢

疇昔

疇昔干戈裏飄零賸此身一生九死客兩代六朝人路
 未通新朔歸應少舊鄰壁山與字水回首一傷神

宿柏林驛

古殿臨官道淒涼落口斜山荒多虎跡驛廢少人家昔
 駐君王蹕今開野草花珍收殘瓦片製硯亦堪誇

華陰萬壽閣望岳

危樓新雨沁人眸成六柱三峯立蓮花十丈開關
 文山勢如河抱水聲來搔首茅龍客深慚混俗埃

蜀後初至成都

錦城絲管地桑柘綠縱橫露下銅駝泣春歸杜宇驚相
 逢無故文猶半愧餘生却訪支機石殷勤問舊盟

種費此度雜詩

聞說_五上亦有涯野人微尙在烟霞牆東便是王君宅
谷口原宜鄭子家無事焚香常讀易有時攜水自煎茶
柴門書掩容誰叩只許風來掃落花

岳廟

君臣無意復輿圖唾手燕雲豈廟謨才過張韓天若忌
心同龍比主難孚金戈鐵馬公生氣綠水青山宋舊都
畫舫不須經廟下忠魂最恨是西湖

湖曰李雨村曰特識名言不讓前人作

馬嵬楊妃墓

延秋門外馬嘶哀玉碎珠沈土一堆聽雨無人同棧閣

御風有客問蓬萊行權定變中誅姐怙寵身悔妒梅

白注謂江採蘋最是傷心烽燧日人亡猶進荔枝來

澗曰李雨村曰言外殷之感

和朱梅莊遊鄠張三丰祠詩

高標原帶古烟霞壁上題詩字勢斜軼事有人傳黑棗
冬心曾此寄丹砂春雲近壁垂檐樹曉露潛滋夾道花
獨恨篔簹湮沒久平疇一望盡桑麻

與桂白石弈

長日手談意自閒主人忘客忘還局當清簟疎簾裏
聲出古松流水閒雅集只須烹茗茗草堂還喜對秋山
何勞局促爭成敗好鳥時間一破顏

宮怨

宮車隱一過，乍近還疑遠。聽到月輪高，珠簾夜忘捲。

雞頭關

曲折如登天，幽深如覩井。近年流賊過，更比康莊穩。

幾家一首

幾家芳樹吐春烟，正是清明雨後天。竹徑懽呼圍蹴踘，花村笑語出秋千。

余 恂

恂字生二號鈍，廣青神人大司馬敏肅公孫崇禎朝以蔭官錦衣千戶張獻忠據蜀鈍廣避亂江東賣古文詩字自給不喜入權貴人門權貴

人即求其片言單字亦不可得平生一冠破不

復補人號三頂折角巾恂與趙民服周蓼恤也

國朝康熙乙丑過江卒于瓊花觀昔年七十

九著有增益軒集若干卷今錄詩二十五首

游陶靖節三學庵

緣溪路宛轉，乃造高賢地。古松數十章，清風洒幽翠。月榭委苔蘚，墨池水空積。傍橋九曲流，斜看天影被。公居義熙前，日引同人至。公居義熙後，于此幾沈醉。徙倚懷高風，對景生遐思。

除夕前二首

放浪無終極，看二歲又更。貧懷生倉卒，心事一無徵。促

酒不成酌。斂衣空復情。蕭械無人知。振策倚前楹。孤衷原有屬。雙眼未全青。汗漫思情志。暫遺憂思屏。回首念妻孥。豈禁心鬱憎。悲來不可遏。我生胡營二。營二亦何爲。悽惻不擬道。幸恃心潔清。可以對蒼昊。一身經百折。堅貞聊自保。偪側履荒途。何暇計溫飽。昔也居京華。有如魚在藻。今者嘆流離。不及安巢鳥。有酒且賦詩。塵氛迹如掃。不學裴晉公。擁鑪嘆衰老。

辛酉元日

今晨氣宣朗。檐次透曙光。春風扇和氣。悠二襲我裳。道院自幽靜。中庭焚異香。二氣何氤氳。隨風泛長廊。我大羈旅人。感此歲月長。孤蹤謝塵事。靜坐閱班揚。濡毫

舊詩開傳引。巨觴般樂無拘束。頽然人醉鄉。天地氣候改。陽和易。冰霜草木漸勾萌。梅花何處芳。幾欲探消息。林水空蒼茫。翹首憶江南。雲霞蔚相望。

題張諧石雲巢隱居

志士多雅操。援古以迄今。懷才與時異。志乃在山林。張子我故交。相知日已深。卜隱邗江邊。花木何陰森。堂名以雲巢。高爽豁夙襟。制度自精雅。良朋日招尋。可以賦新詩。可以彈素琴。門映城闈碧。池倒浮屠陰。觀望何幽杳。氣象自嶽岑。羨子經濟才。而不希華簪。長年養恬淡。殊有高士風。分幽居洵足樂。時共采芝吟。

簡友

歲暮增無那而又窘陰雨隙風入我懷氣咽不能語探
無長物枵腹室懸釜衰殘畏奔走晏眠恆至午人情
迂反側誰能更古處知己言在耳德音燦可數倘終顧
眄情旦夕臨江滸

獨酌

友人惠我酒竟日延清歡閉戶無人來好鳥伴我閒初
旭升竹林小窗明可觀興來聊復酌藉影相盤桓幽寂
性所好瓶梅香未殘卽此無拘束境靜神亦安

賞梅

連朝雨不歇淒風日飛颺庭梅斂光彩生意何微茫天
地忽開朗靜院飛晴香玉色映朝旭疏影風迴翔陰極

陽自靜氣運不可量白卉亦因時爛漫雲水鄉就花營
一醉斜景逗餘光

夜坐

靜夜正危坐檠短燈力微挑燈對隻影宛若有所依動
靜不殊致語默空自知莊蝶非不幻蕉鹿非不奇如何
眼前景奇幻有如斯人生大化內誰能不遷移守一以
御變往復皆天機靜觀有至理得失分毫釐

新晴得月

雲靜天益高微風起庭樹接葉望猶濕階前生夕露半
規出東井光彩異平素涼夕豁人襟靜對生遠慕風竹
碎流影烟林平帶霧安得同心友清斟展良晤徘徊夜

漏殘雞聲忽交互

廣陵季春十有三日憶沈子禹甸生日對酒懷之

虎邱何鬱蔥雲霞望如綺中有抱道人時在雲霞裏三
春景物繁花氣香流水詩歌陶逸興琴尊延近理別來
歲未周緘情缺雙鯉遙憶子初度馳懷更依二爲子歌
斗酒獨坐開雙扉微風起將夕園景澄清暉醉臥不知
曙迢二星漢微

新灘觀捕魚歌

君不見新灘奇險天下聞驚濤怒浪如山立上下舟行
實畏途放舟須仗灘人力上灘牽挽終日勞逆流直上

八束戶

浪下更難撇漩擊波如箭疾灘際洞流

急且深承流鼓浪魚競集漁人舉罟百不失烝然罟之
如俯拾傷鱗破額委泥沙慘淡腥風起朝日跳波脫漏
時有之潛跡江潭秘呼吸灘人竹篋滿背歸戶二門前
盈百十霜刀直下亂雪飛棄置頭顱人不食枯魚尾二
掛滿壁腥臭漫二逼人泣誰云烹鮮世所珍見之悲惻
惻向極嗚呼廿年殺戮人民空今復毒流鱗介中

五月望夜酌月歌

朝苦雨今始晴林風瑟二綺霞生茅軒命侶適沽酒
皓魄近人明清霄澹宕風景暮涓二光炫花閒露
酒當歌誰復豪舉杯問月誰堪慕須臾晶彩勢若飛

空瑩澈星斗微沈二殘漏已數下天涯狂客興難違
土行樂應如此劇飲酣歌殊未已忽聽雞聲起舞時
涼露重天如水

戊申秋戎州飲師來山大樹亭子作

不异師來山仙去洞空留老樹蔽翳根相糾連卷密
松洞口紛紛起伏如潛虯根耶石耶化爲一蒼皮裂
石文織穹情弄影碎月流書長對酒炎曦匿八角亭
之前矛枝四顧垂疎欄七星嶺崑山景媚雙江
聲連戎城烟火何歷二雞犬聲入雲霄閒有時風
至坐聞颯沓愁衣單恍如蛟龍蟠拏戰平陸翠
如扶桑洪柯覆陽谷聲流竿籟非人

至此對君一醉成知己倏忽秋深我欲

望

壬子春仲同家不遠遊焦山

巖達勃來千里凌晨吹立長江水我曹乘興約同遊

別立烟檣裏招二舟子駕一葉牽衣欲渡意還怯

山伯宮波翻濤湧驚魚龍片帆飛渡任欹側

尺與山涯接向時驚悸今得寧扶筇拾級相競行

海氣白羣山網縕成一色憑高下視鷹背飛

松濤碧底柱中流既有年孤高直與溟渤連

司金山中北固三山鼎峙撐南天古來大隱傳焦子

時高邁孰與比我來瞻眺起遐風二濤萬頃雲霞東

士戌孟夏聽琴

夏一七。風景清庭除瑟二涼風生碧天如洗雲氣淨
酌招羣英靜院東西分兩序琴清月朗方持觥
魄出東井孤光照耀通宵明撫絃動操出古調
不願聽新聲座客無譁酒頻瀉揮杯不覺玉山傾
樂事亦何有今夕歡情差不負六街寂二更聲長
儲火香悠颺

候月歌

夫候月夜不寢披衣獨坐凌霄寒月亦有情鑒幽獨
光直射浮雲端碧霄澄澈玉宇靜流輝澹宕河山影

哀區白烟林古木晶光永噫嘻月有圓缺

盡知千年萬年恆如斯今人不見百年月生老病死須
兜期此時對月那無酒徘徊無語徒搔首長歌一曲憂
思攢星殘斗挹更聲闌

蜀都行

自我之成都十日九日雨浣花草堂益蕭瑟青羊石犀
但環堵生民百萬同時盡眼前耆舊存無幾訪問難禁
涕淚流故苑荒廢連禾黍萬里橋邊陽氣微錦官城中
野雉飛經商半是秦人集四郊廓落農人稀整頓凋殘
豈無術日生日養誠可期但得夫畊婦織無所擾桑麻
樹畜隨所宜數十年後看生聚庶幾天命有轉移

洵曰李雨村曰成都被獻賊椽劉生靈殆盡此篇逼

真詩史

卜居

臥隱仍無定。途窮數卜莊。有家何日到。老病滯瀟湘。道遠音書少。秋深客夢長。桃源今有路。恣意樂他鄉。

元日遊下鍾山卽事

上日淹留客。登臨興幾長。無人覺來往。半晌對湖光。烟際雲相接。匡廬屬渺茫。汀中帆片二。望裏應春陽。

澍曰李雨村曰此律倣古

十六夜得月

此夜月方明。迢二近二更。虛簾散風影。亂草藉蟲聲。人靜鐘偏徹。天高氣愈清。徘徊涼露下。旅思浩縱橫。

梅花三首

市上何人識。故侯青鞋。阜帽稱心遊。相逢頭白畱詩別。細雨孤帆下虎邱。

遙歸見說爲梅花。鄧尉風光滿眼誇。我夢相隨便東去。一天花壓帽簷斜。

花時歸客怕花殘。烽火漫二道路難斷。送春風多少恨。憑誰畱寄一枝看。

官舍

葳蕤鎖下雙青銅。盡日無人官舍中。花落花開春已晚。流鶯啼過女牆東。

蜀明詩卷第十二

蜀詩卷第十三

明

綿州李調元雨村選 岷陽孫澍子皋校訂

費密

密字此度新繁人經虞子少遭獻逆亂蜀竄身
 西域不毛之地跛一足已迺溯江漢下遊吳越
 居淮南老焉嘗流寓秦州二守為除徭役後往
 蘇門謁孫鍾元先生稱弟子吾蜀詩人自楊升
 庵趙文肅任少海熊南沙四人後古學幾陵替
 矣此度暨厥子錫璜繼起雅振而輪扶之遂為
 東西川巨靈手 按沈歸愚明詩別裁此度詩

選只二首茲故從雨村定本增入爲有明三百
年之殿不惟一州之文章風會升降可得詳而
忠孝節義亦隨附見庶幾談詩教者不曰風雲
月露無補世道人心而忽之也集若干卷編爲
一卷錄詩五十三首

古意

久已歷艱辛人情今始解五日織疋布估客嫌不買東
隣女如花西隣女如葉東隣作人妻西隣作人妾看花
莫看葉夢物莫夢水遠姨同我年今年生一子掃地得
餘光所見何咫尺緊桑有餓人報恩逾金石

詠史

山東無足事連衡欲用秦咸陽方逐客歸作大梁人少
年縱飲博任俠顯諸侯無人求劇孟藏劍宿娼樓

北征

邦國遇塗炭歲已八九徂展轉山澤間困鬱意不舒壬
辰十一月始發自成都于時正凜烈北風傷肌膚老父
方多病乘牛取長途官道畏游兵山徑暗崎嶇所賴多
戚屬恩愛相將扶敗絮惡且棄天寒不可無荒絕驛路
亭但尋人跡下或復鬼神祠或復殘廬舍過水寒侵骨
登山泥沒膝行二無所止日暮粗得息筋力已困疲伐
薪具炊食野燒周四圍慮爲猛獸得腸胃如枯蓀塵羹
潤顏色萌乾刺同刃刈拔偃終夕低頭就火視流血浸

小文
肘腋長松執百尋。巨石橫一里。寒草藏開花。枯藤留結
子。花開色何皎。子結味何旨。人力徒辛勞。天地物皆美。
沿途苦荏苒。除夕至綿州。烽火正擾攘。秣馬隔江流。出
檄示軍官。呼人爲濟桴。一鼓入城中。破屋何所求。士卒
感苦辛。各出飯一盆。嗟嘆令強食。母以飢煩冤。苦深精
力消。皮肉皆血痕。親戚在閬州。可以救朝昏。作書一尺
紙。爲報家人存。綿州城何大。中川之要津。舳艫接南楚。
車馬通西秦。勢重控部落。赫奕鎮文臣。濟二數萬家。一
旦化荆榛。狼狐白日走。魍魎哭城闔。全蜀盡枯骨。陰晦
聚灾屯。害氣久不絕。耕鑿困遺民。親戚自遠道。來迎當
春天。乞假各數騎。背瘡深可憐。大馬一無轡。小馬一無

羈。雙臂牽藤蔓。聊束褥與氈。馬力亦何少。相易出長道。
曠遠憂意外。馬飢嘗嚙草。婦女艱難行。痛哭心慘哀。負
物置宿莽。喘息還復來。藏身匿村樹。狙伺人歸。逋畏恐
驚舍去。侶伴不敢呼。日暮至一家。炊飯若珍珠。老人置
上座。再拜謝荒蕪。我顏如僮僕。食我堂之隅。飢人歡一
飽。寧問禮意麤。往二官長閒亦復相餽餉。累月至閬山。
毛髮盡焦枯。古時蜀道難。檣閣下方軌。葭萌諸郡縣。桑
蠶遂生齒。後世割褒中。恐滋羣盜壘。閬爲門戶大。軍
嘗麾指東川。旣已沒西川。旋不守捍關。一夫當賊人如
摧朽。始知遠畫策。不在險與否。困頓留十日。買舟意欲
東。倉皇奉老親。出此豺虎中。江漢幾卅年。衰弱病成翁。

颯然翻飛意不復故豪雄。眾庶羅喪亂我復爲勞人。一朝辭墳墓相望若崑崙。卽此眼中路皆可成海濱。泪落如黃河舊事痛不已。寸心思無窮隱忍未能舉。茫二者天涯微身曷所止。二三骨肉親居處各異里。當此無家別安能不傷。毀天地固無情人。生豈終否棲遲田野間。白首佳山水我自種梧桐。遣妻樹蘭芷村釀亦已熟。歡笑偕稚子俯仰旣無憾。旦夕肆樂只歲晏。茆屋寬狂歌從此始。

澗曰傲杜北征韓南山詩紀一皆行役辛苦而古皆蜀道難一段乃兼具經世之旨

豐城安漢看梅同徐時俊

天陰冪遠霧山沒青隱。二江平沙徑幽春草發岡嶺舍舟尋斷岸禾黍秀里井叢竹鬱勃深村樓列舊畚依垣老花樹微香散寒影樹下逢一翁言簡氣尤渾亦欲卜山居閒田畊半頃。

調元曰韋柳外另一種

鬪雞行

輕衫樂鬪雞各抱一隻來地潔無蔓草坦二鬪場開大雞冠五寸小雞脚一尺脚稜精鐵鬪冠老珊瑚赤此雞產何處良種從西川高山大澤聚靈氣生爲殊物如鷹鷂出殼執與眾雛異不徒飽食供烹煎獨立一聲天地轉起張雙翼精神展寧止可慰兒曹心亦堪迴却君王

輦兩雞立闕場氣勢互相當風捲雷轟百十合四圍觀
者眼生光怒色蓬二裂雙目昏疲不肯甘雌伏亂毛滿
地血淋頭長頸靡二少完肉一雞晚出執九隄眾雞見
之皆却走狂童盛氣快所言共嘆此雞齊拍手賭取青
銅錢抱雞歸飲酒明日重來闕一場君輩來看古無有

紡車口

七日五縣路三百六十灘山深無人至好鳥相綿蠻松
樹大十圍霜葉如渥丹此中有隱者抱璞鬢毛斑

贛州

宗子稱兵出中丞捕反時廟謨資節鉞亂卒倒旌旗往
事餘烟樹新愁倒玉卮南行弔楊僕春水遠迷離

僊霞嶺

野寺無僧住蝸涎四壁乾人家移絕壁馬跡亂空壇山
色侵苔滑松聲夾道寒遠行猶百舍處二向南看

調元曰奧麗

冬菊

九日已陳事黃花未改妍寒枝當雪牖晚節耐冰天洒
凍徵君側香流故老前蕙蘭無數好春雨各娟二

聽解二彈琴

自我傷寥落空懷大雅音忽從遷客指重見故人心巖
溜潺春雪松風出暮林秋鴻休再鼓幽怨已難禁

移家定軍山下

移家接村舍地僻好烟光藏此新圖籍仍歸舊草堂
白來嶠冢雨青入陸渾莊久住隨風俗悠二野興長

杜宇

霸業一時盡哀聲萬古傳
哺雛依百鳥流血濕青天
瘴雨離人酒春風估客船
此時來耳畔何處不潸然

北岸山盡

山勢寵嶽盡空濛入望遙
平原開白日羣雁掠青霄
一月舟爲宅千峯雪未消
故鄉從此遠揮涕向蕭條

朝天峽

一過朝天峽巴山斷入秦
大江流漢水孤艇接殘春
暮偏悲客風光易感人
明年在何處妻子共沾巾

附王漁洋寄費此度詩一首

成都跋道士萬里下峨岷
虎口身曾拔鼈叢可有神
大江流漢水孤艇接殘春
十字須千古胡爲失此人

山中

采藥不知還偶來身卽閒
月過燒葉處雪滿起雲山
猿狖藏果熊羆老見斑
菖蒲石上節久餌駐朱顏

隱者

老翁久深隱結屋巖石間
春日采芳芷夕陽行亂山
無事入城郭獨負壺樽還
便欲隨芒屨白雲相與閒

調元曰可畫

別友

小十、
既來不甚數。去亦無乃輕。吾且行鼓瑟。子何多遠情。山
寒滴竹露。屋靜聞松聲。幸有石閣在。四時禽鳥鳴。

贈客

屏跡屠沽內。常懷一飯恩。鐵椎報公子。寶玦贈高人。抗
手自茲別。悲歌西入秦。可詢王景略。捫蝨向誰論。

江夜

復載羈人夢。烟波異縣行。老禽爲蚌蛤。野鴨護鴛鴦。且
自從容去。無妨淺淡妝。相思在何處。幽鬱意偏長。

涇縣雜詩

故人無禽慶。五嶽何時行。共道黟山好。能娛隱者情。權
歌起清夜。野服過秋城。卻慮逢村女。猶存賣藥名。

異境絕塵俗。從容到寂寥。市人羣鹿豕。村路出烟霄。溪
水胡麻飯。寒菹細藥苗。堊隅聞好鳥。乘興石欄橋。

浮溪

日暮入邨落。松杉客坐新。雞豚散在野。兒女聚觀人。禮
樂餘三代。藤花隔四隣。家山獨烽火。流蕩至今貧。

棧中

棧閣通秦道。青天未易行。盡過奇絕處。不負有平生。白
馬巖中出。黃牛壁上畊。野花埋輦跡。幸蜀只空名。

調元曰奇確

客

負釜出巴蜀。饕殮類賦狙。那能隨北雁。長自客南徐。春

事賈人早幽棲。僻好愚閒來。掃落葉。席地坐。鈔書。

沔縣村居

故國不可到。春風吹閉門。雲移峰頂寺。花落雨中村。事簡人過少。山深褐自尊。無書傳子弟。畊鑿任乾坤。

調元曰似阮亭集中作

翟村

二客乘秋艇。翩然過古村。不緣喪家久。勝地足銷魂。水族甘魚蟹。山居長子孫。此中忘貴賤。來往翟公門。更欲求佳處。何能勝此山。田園如畫裏。婚嫁遠人閒。灌口峰千疊。彭門水一灣。江南無屋住。吾意亦須還。

夢中作

勞心望春水。春水載孤舟。載此孤舟去。江南江北流。有時取美酒。獨上最高樓。高樓何所見。歷二是神州。

江晚

昏氣滿孤嶼。此時途尚遙。天寒將作雪。風急欲收潮。樓鳥黃雲樹。歸人白板橋。酒家隨意宿。明日進蘭橈。

同蔡冶田金遊西山登秘魔崖望石壁

絕壁幾人到。虛崖一望收。秋聲先眾木。日氣射高樓。僧少不鳴鼓。簾稀只挂鉤。却愁山雨重。杼柚捲溪流。

雨

急雨占紅色。遙青入望微。水寒雲不絮。雁大濕能飛。早汲愁高岸。遲還畏薄衣。瀟湘何處屋。開戶待人歸。

高郵遇故人

相逢多難後。只此是天涯。與子躬耕處。蒼生尙幾家。朱門齊牧馬。白骨亂開花。耆舊何人在。行吟感暮鴉。
調元曰感慨深厚

阻風三江口

晚泊孤洲葦荻傍。襄樊估客嘆淒涼。三江水下金陵霧。百草春乾赤壁霜。寒氣不開從伏枕。鱸魚多買當攜糧。自有長風行萬里。人間豈畏路蒼茫。

送姚曼之鹽城

淮南旅舍暫相逢。便放扁舟過海東。未有男兒長袴下。不曾賓客處囊中。萬山月色孤筇路。十載秋思一笛風。

別後新詩應滿篋。重來爲我咏飛鴻。

元夕雨中見雁

野雲片二接橋西。可惜年華負柳堤。江上雨來催晝暝。沙中雁起覺城低。寒邊無信傳春詔。荒圃宜歸埋舊畦。濁酒一杯和淚洒。看燈猶記浣花溪。

小仄

放船直入深山去。無路青林有數家。烟裏人聲呼伐木。巖邊鳥迹亂開花。殘民未死征徭在。新戍頻增驛路譁。時見秦中官長過。不知何以慰三巴。

亂後入青原山

遠郭寒烟野霧昏。殘僧遙指舊軍屯。河山百戰埋金甲。

小文
烟月三年度玉門。兵氣累昔猶未解。吾生已老更何論。
不將淚灑黃師塔。拋滿蘆花當一樽。

送劉與生還廣元兼呈王嶽

送爾西歸意惘然。吾家山水復誰憐。雲邊短杖看梅樹。
雪裏微燈夢杜鵑。一郡更思新市後。千峯長在故人前。
王郎舊有江湖約。爲寄芝臺詩幾篇。

西鄉縣

雨餘春樹百花稀。好處來遊却似歸。貧賤已甘人盡笑。
顛狂未解客何爲。長隄白日眠牛馬。官路青峯放鹿麋。
八十老翁居住僻。相逢只說太平時。

蕪湖

城北淒迷水霧浮。行人懷古自千秋。空餘鐵券殉芳草。
不見篋篋止亂流。十里桃花春社酒。一天明月大江樓。
久無蕩子思鄉淚。幾度鶯聲起暮愁。

調元曰五六名句

金陵懷古

一聲殘燧旅魂消。柳暗花飛過六朝。甲第雲霞開壯麗。
樓船鼓吹擁逍遙。石壇有路生春草。商女無端泣夜潮。
極目可憐鍾阜外。長江空鎖水迢迢。

調元曰平調中有異響

呂太常潛自歸安移家海陵

銅龍宮闕邈山河。臺笠穿雲就薜蘿。天近南徐開霧氣。

人從西塞狎烟波。愴荒歲遠成遺老。草木人稀發浩歌。
可許相邀尋舊約。江魚村釀共婆娑。

春晚

顏垣見舊閣。佳處在隣西。祇有畫眉鳥。春歸亦自啼。

洋縣二首

春山青後青春水。綠復綠。花開不見人。何處滄浪曲。
微風度城上。滿城花盡開。閒攜一壺酒。花落滿蒼苔。

鄱陽湖

昔去湖水深。來日湖水變。湖水無定流。搖出湖口縣。

古琴

古琴久不理。塵積斷痕斑。爲君彈一曲。明月滿江山。

空宅

春氣生寒。月色微。蟠龍繡鳳隱雙扉。主人一去空留宅。
花落苔深。蝙蝠飛。

調元曰淒涼可想

識舟亭

漁舸夾岸。浪花腥。烟樹霏微草自青。春去何人記蹤跡。
故衣重到。識舟亭。

題畫

百株春樹隱茅居。畫裏人家似敝廬。小鳥斷橋啼曉色。
落花晴日照山書。

江曉

寒月無人守釣磯。秋風兩岸曉星微。渡口鴛鴦避舟楫。
野鴻羣向荻花飛。

飲友人家夜歸

轎歸來酒半消。月中頻望短牆遙。畊夫久斷繁華事。
猶買春燈照板橋。

紅橋

女堞飛烏趁曉昏。火攻猶見舊燒痕。春遊畫舫都年少。
一路簫聲進水門。

塞上

塞上冰流綠玉莎。邊人吹篴向南歌。平沙大磧迷春雁。
千里雲昏雪片多。

古意

芳草沿隄春楚。花枝開遍清江渚。一羣無數鳥飛來。
恐有兒家白鸚鵡。

蜀明詩卷第十三

蜀詩卷第十四

明

新繁費經虞仲若異輯

岷陽孫澍子皋校訂

釋

來復

復成都人修業高潔通儒術蜀獻王重之館于
邸著有詩百餘篇亂後散失今從南部李明府
處得詩一首

蜀府出觀宋劉松年畫唐人十八學士登瀛洲
圖歌應教

十八學士瀛洲仙文采照世皆貂蟬廟堂誦道豁旬臆

小十： 古史書屋 正本
作藩開闢神堯天烈二房與杜樹業光聯翩雅愛虞永
興健筆鐵可穿褚公姚公才湧泉早以儒術窮磨鐫二
蘇二薛何挺特王門獻納相後先主簿倉曹亦英俊天
策從事九魁然太學先生美雙壁參軍襟度冰霜妍宋
州戶曹最清簡一時風雅同高騫朝談黃石略暮校白
雲篇所思在經濟未藝焉足傳方今化雨清八埏西堂
進講羅羣賢旁求已聞盡巖穴拔擢遠邁貞觀前畫師
殊有意摹寫精丹鉛却令千載後高名日月懸丈夫宏
達當如此誰能齷齪困一瓊河清海晏三千年聖人端
拱開文淵還期比屋可封俗淳古不獨圖像齊凌烟
謝曰雅有結構得之方外人尤難

守 牧

牧字雪庵大竹縣善慶里觀音寺僧鄭元慶曰
僧郭節也從建文出亡至重慶隱士杜景賢知
其非常人于松柏灘爲之寺巨竹環繞藤蘿幽
翳前臨大江雪庵早晚梵誦惟周易暇則讀楚
詞嘗二買一册袖之登小舟急棹中流朗誦一
頁輒投于水投已大哭二已又讀篇盡乃返眾
莫能測景賢益憐敬之常送酒不以方外人相
待也後將卒其徒問師死宜銘何許人和尙張
目曰松楊問姓名不答著有雪庵集若干篇今

錄詩一首

招杜隱士

典衣沽美酒。斫竹學垂綸。我自師蓮社。君如愛菊人。深山馴猛虎。幽壑涸潛鱗。冷淡栖禪悅。相過莫厭貧。

廣育

育字扈芷。成都人。住江南武水東塔樹。著有集若干卷。今錄詩七首。

懷徐九玉

夢落秋風外。柴門靜不喧。今人思古調。吾友去陳言。白雪歌藤杖。朱霞映竹軒。孤花浥寒露。幽思在西園。

贈楊龍友廣文

風雅久不作。廣文相見遲。一經傳舊學。五字亦吾師。海

鶴隨琴匣。江龍入硯池。梅花霜雪盛。方外定交時。

送峨山僧

客艇巫山夜。猿聲濕衲衣。青山懷故國。白首送人歸。驟雨鳴丹嶂。寒山入翠微。隨君還有夢。天半宿峨眉。

松門道中

落日松門道。西風客袖寒。泉清村犢飲。果熟野猿餐。古渡人聲雜。高樓暝色殘。佛堂投一宿。明發路漫漫。

清涼臺訪長白止公

春雨關西路。飛花百鳥聲。芒鞋隨鶴去。杖錫逐雲行。樹好全遮寺。臺高半出城。止公修淨業。笑客絆浮名。

送董宮傅遊山陰

楊花三月渡江遲。十幅蒲帆棹一枝。蘭渚客來修禊後。山陰人去永和時。暮雲千里連歸夢。冷翠層峯落硯池。佳景故應搜剔盡。雲烟過眼漫支離。

斗陽客夜對月示侍者

不聽清猿已十年。偶隨孤鷺下斜川。山中別後無他憶。白尺喬松抱月圓。

宗止

止字長白崇寧縣人成都草堂寺僧詩一首

江南送人還蜀

吾家有幼弟。家住少城西。茆屋環栽竹。花溪晚杖藜。江灘流夜月。沙岸護春隄。君去如相過。園林待品題。

宗壁

壁字邛密簡州人成都大慈寺僧著有石巖草

若干卷今錄詩三首

題幻公房

室外畱餘地。軒窗帶早秋。水聲來枕咽。山色到門幽。靜者原無慮。老夫兼寡求。拈花証禪悅。明月在高樓。

天台老僧

皓二頭顱雪。天台不計年。鉢畱三峽月。衲帶五湖烟。虎豹都欽法。蛟龍亦証禪。石梁橋畔水。來問煮茶緣。

送人還蜀

春江送客最多思。不獨江淹有恨辭。危棧曉尋雲斷處。

寒灘夜泊雨來時

行 夔州人未詳何寺僧詩二首

雲門寺

古樹老如此雲門自昔傳山容連晚照潭影落高天獨
鶴栖庭樹仙雲落野田紅塵飛不到風景自悠然

渡生庵池上坐晚

盡日無人至空明水一池上方鐘磬晚來坐月明時

性藏

藏字紫芝重慶人峩眉山僧詩二首

書太湖寺壁

自古太湖寺雲山入壯觀石橋鎖斷壑香殿壓孤巒山鷗

白沙邊宿龍從杖底蟠諸公談浩劫塵外極高寒

峽中卽事

晚棹下瞿唐風濤望渺茫重尋夔子國遠弔楚襄王白
帝雲千頃黃牛葦一杭江山形勝在今古閱興亡

祖 嵩

嵩字友蒼遂寧人崇禎初遊京師名動公卿召
入大內賜紫衣金鉢後之金陵居報恩寺一日
呼僧眾畱偈訂涅槃之日屆期端坐而逝著有
友蒼語錄詩集若干卷今錄詩十首

松下作八首

寢息近田疇難忘水與山曉耕罷蓑笠頗覺心易閒晚

來亦自好。蹋沙向前灣。牧歌知誰子。夕陽牛背還。
 遠從前山來。涉彼樊與邱。側身入西澗。坐聽松風流。所
 貴在貞潔。俯仰何所求。我欲栖其下。清陰堪託不。
 前峯百丈青。當我禪居側。月下起徘徊。幽光迴難測。大
 哉伯倫言。春霏動睂睫。搔首坐松根。寥二天宇濶。
 攤書就明月。二殘光亦遠悠。然拂窗坐。夜靜松濤捲。高
 柯蔽岩阿。香寒白露淺。對景懷幽人。清言相與展。
 靜如高尚士。落二不可羈。乃以太古心。傲岸得自持。天
 空夏元鶴。赤松遙睥睨。君子慎所守。歲寒心不移。
 我髮既已短。我愁心孔長。忽憶弱冠昔。彌深行脚傷。飢
 烏欲上樹。黃鵠空翱翔。垂老未聞道。空山思茫茫。二

秋靜易為悲。山深易為止。且攜壁上琴。彈向古松裏。石
 澗吼飛泉。長風入十指。亭二江上峯雲向。席前起
 西風。吹寒谷。力畊秋苦深。感茲戒旦暮。抱貞栖松林。慧
 眼生虛白。布地非黃金。世人皆狡獪。誰知後凋心。

靈谷謁一公像

到門暫輟哭。長松且認梅花雪。裏容月冷空山人不見。
 頭陀輕打五更鐘。

送侯充魯之官粵東

散盡牀頭買酒金。又軒白鶴試鳴琴。宰官身說如來法。
 滿腹慈悲百姓心。

道 潛

潛字問石江津人圓通寺僧著有問石詩集若干卷今錄詩一首

柏堂夏日

冷淡閉禪堂。濃研古墨香。著書疏雨後。洗硯夕陽旁。嵐氣圍松幌。溪聲護柏堂。老僧懷抱盡。長日未能忘。

海明

明字破山大竹人。寒氏子。母徐氏蚤亡。遂棄妻走。依報恩寺。一日從百尺巖滑足。墜落而悟。一參雪嶠。再參湛然。天童密和尚名聞四海。初住嘉興東埭寺。故僉事金公被刑。迺乞貸往市棺。木徑前抱金屍。邏者訶之不爲動。卒殮載歸。燕

湖庵中後老西川圖按朱竹垞詩話稱張獻忠殺人之多。較黃巢百倍。甲申陷蜀。大劉蜀民破。山往勸賊帥李止殺李呂羊豕肉。進曰和尚噉此。吾當封刃破山。遂食之。著有語錄及詩若干篇。今錄詩八首。

別石車禪師

欲別難爲別。西林落月銜。且飛千里雪。聊掛一風帆。草引石梁屐。花飛金粟巖。浮雲本無著。何處尺書緘。

山居卽事

幾年勘破是非關。小結茅庵擬住山。園裏竹雞啼引子。崖前石虎老生斑。一條心事弓弦直。三个柴頭品字灣。

我法拈來皆妙諦。不容俗子更躋攀。

除夕

竄入南濱二載餘。人情煩擾道心孤。勤燒楮楮煨薯蕷。懶寫桃符避鬼狐。世事已從濃處淡。閒游却向懶邊疎。梅花一樹豚蹄熟。大嚼還兼酒一壺。

送微言之蜀

竹方牀上幾經秋。忽地番身問話頭。走起欲拈行脚事。草鞋先到楚雲樓。

永慶寺

踢倒須彌鏡影空。逢人徒鼓舌尖紅。黃鸝不識吾生意。叫落庭前一樹風。

白兔亭

磊落山川忽地平。雪巢月窟兩關情。於中白兔今何在。只有巖前瀑布聲。

示四不侍者

倒騎驢子上揚州。却似當年跨鶴遊。邵伯湖邊親說與。紅塵多處莫停舟。

寄炎雪禪友

嶺畔桃花相映紅。恍然如醉薜蘿中。通身長出參天棘。刺殺山頭瞌睡翁。

通發

發內江人著有山居草若干卷今存詩一首

再過永慶寺

山涌孤城外。舟行一水前。落花柔櫓撥。斜日斷橋連。丈室依林住。雙扉倚竹偏。再來情不厭。知有主人賢。

引 忍

忍字潭吉資陽人法藏弟子著有集若干卷今

錄詩十二首

春蠶一首

春蠶化爲蛾。飛舉實難高。回顧箔上侶。已覺今昔遙。蝦蟆鼓潛虬。風雷儼在手。君子終乾。龍德庶同有。

暮秋同尹無哲夜話

賣劍買犁鋤手中。生太平官軍復西指。倉卒未成耕金

鐵。襲重祿。力牧心。匪仁四體不望閒。所苦王稅勤。今秋又不雨。閭里多嘆聲。還思買長劍。僥倖垂功名。

贈陳無盟太史時在白下

有庵在蓮塘。翰林種花宅。五里澗聲中。青竹映白石。相與俱未歸。此恨銘夙昔。年二桃花開。却羨漁舟客。廟堂近多故。仁者自感觸。安知古真人。不爲蒼生役。以予無世情。四海堪自適。何乃念鄉心。與公同嘆息。行當誅青茅。及我未死日。杖錫遠還山。調飢剖松實。

寓舍

多病藥爲食。乃今三歲居。遇雨憎土偶。頰仰羞蓬篠。老思躬稼穡。青山勤荷鋤。

西湖山中雜詩

石眼通湖潤自然生雨心讀書依夏屋作客似秋禽
 睡足青霞外愁看白髮深數峯能導我暇日更登臨
 小雨竹階淨散憂籬落閒野心入無際清書生餘閒新
 解越人語舊登天竺山恰從菱葉底聽得茶歌還
 開戶即成趣在山何問歸以茲終日暮所得皆精微
 客趁夕陽下舟聯野鶴飛竹林傍湖水散策釣魚磯
 野寺竹班二雲深坐白閒好書隨客借冗句喜人刪
 性適器屢變境幽形獨頑被人稱小隱猶是愛南山
 海氣漸生白秋宵已復涼路難如有梗客久更無裝
 待月同名士招雲宿野航湖居三百日猶未渡錢塘

十八湖

林塢入深溪攀援力未齊引蘿欹石牖驚雀下花溪
 見水必畱坐過橋先誌迷理安岑上月相道入雲栖

過陳未生太史上巖新築

松雨清寒壑綠烟遮野扉閣高初縱目山好淡忘歸
 躡磴雲依牖斂屏香入幃花閒圖史罷一鳥唳斜暉

園居

藍縷袈裟破勁霜借他溪水注瓶鐺生平白髮但高枕
 所過青山都健忘舟子作隣身泛二野人送米日俵二
 還思蜀土峨眉頂穿鑿冰稜受石牀

方示

示字離指壁山人海明弟子詩一首

夷齊廟

孤竹當年有舊疆。老來扣馬諫周王。至今薇蕨年二長。如見羲皇在首陽。

南 嵩

嵩字未詳巴縣人破山弟子詩一首

送山暉還巴東

雲橫天際寺霜薄。晚來潮白帝歸帆。渺青山送客遙。鴉喧城外樹人語石邊橋。黃葉飄行李丹巖逐野樵。

見 初

初開縣人自號一笑頭陀詩一首

題渡江圖

莽二機鋒奈若何。飄二一葦任風波。尋源若問真消息。萬點桃花水面多。

行 濬

濬什邡人通賢弟子詩一首

山夜

野人居處靜山夜。靜九深短榻攤書坐。空梁抱月吟露涼。花宿蝶風定樹安禽。北院蒼髯叟琅然弄古琴。

澗曰風定五字兼有比興

本 堅

堅字損巖巴縣人延福寺僧著有思過堂稿若

干篇今錄詩三首

同鄒子容過柯山

茅屋寒巖下青山石徑幽半溪紅葉暗一笛碧峯秋雨後雲如馬松閒石似牛柯山堪自說于世更何求

陶家堰聞寇又至

鶴唳青山外風聲草木威破家肥戰馬賣犢買戎衣竈冷無為主庭空不掩扉官橋于役地行脚失相依

澍曰方外人亦作此語則昔事可知矣

曹子至

門前乾鵲喜長啼茂樹千章綠正齊傳有故人千里至藕花香遍板橋西

行 浣

浣字山暉新寧人通賢弟子詩二首

銅巖東山草堂

飛閣東山峻懸流百丈清枕邊來野色門外納溪聲秋老楂梨熟天空河漢橫袈裟遊此地全不惹浮名

尋高藍隱者

高藍山下客白髮隱空山樹蘚寒侵榻藤花香閉關仙芝含紫氣大藥駐紅顏我欲從師去浮雲薄暮還

昌 泰

泰字端屈長壽人開禪寺僧詩一首

還山

蜀山猶未雪早已念蓬居猿鶴長思客風塵久滯余虛
亭閒落照古木護殘書戶外青山在堂二歲又除

道

鐵樹宮道士

王陽明年譜云先生年十七嘗往江西儲氏就
婚閒遊鐵樹宮見蜀中一道士與語說之靜對
終日後二十年正德丁卯謫龍場嗣丞夏到錢
塘附商舶欲遊舟山卒遇颶風一晝夜飄至閩
界巡海兵疑公狀兒迺奔山徑一寺主僧不納
宿門外中夜虎大吼僧計已死遲明出視則公
猶熟睡因邀還寺二中有道人常識公二與話

舊且示將遠遁道士曰女有親在萬一瑾怒逮
而翁誣曰北走胡南走越何曰應之因爲著得
明夷卦公遂返董穀碧里雜存謂是老僧未知
孰是詩一首

贈王陽明

二十年前曾見君今來消息我先聞公于生死輕毫末
誰把綱常任半分普海也知欽令德皇天應未喪斯文
東歸若到武夷頂千載香燈鎖白雲

蜀明詩卷第十四

大、力、廿八

蜀明詩卷十四

十三

古棠書屋

合六

蜀詩卷第十五

明

新繁費經虞仲若選輯 岷陽孫澍子皋校訂

閨秀

黃安人

安人新都楊用修慎繼室遂寧黃簡肅公珂女
 博通經史工詩文初用修謫戍滇中安人寄詞
 黃鶯兒積雨釀春寒見繁花樹二殘泥塗滿眼
 登臨倦江流幾灣雲山幾盤天涯極目空腸斷
 寄書難無情征雁飛不到滇南後用修卒戍所
 家人欲成喪安人曰幸而謫終天威尚難測律

呂春秋大義自當藁葬家人迺止未幾世宗遣使啟棺見青衣布襪使還以聞上感動還原爵其達大體有如此者著有詩文集若干卷今錄

詩五首

寄外

雁飛曾不到衡湘錦字何由寄永昌三川花柳妾薄命六詔風烟君斷腸日歸日歸愁歲暮其雨其雨怨朝陽相聞空有刀環約何日金雞下夜郎

謝曰首句原作衡陽高澤外改作衡湘今從之

庭榴

大荒西域種原奇第一緋英上苑姿不到秋深丹結實

獨于夏午艷垂枝已嫌桃李開何早畧笑笑芙蓉發亦遲萬點落霞明照眼綠衣金屋正相宜

別意

纔經賞月昔又度菊花期歲月東流水人生遠別離

經虞曰右五絕見升庵集中

閨中卽事

金釵笑刺紅窗紙引入梅花一線香螻蟻也憐春色早倒拖花瓣上東牆

寄升庵

懶把音書寄日邊別離經歲又經年郎君自是無歸計何處青山不杜鵑

李氏

氏趙文肅室詩一首

舟上吟

河水急于箭。仙槎去若飛。家人應羨我。新自日邊歸。

鄧氏

氏睢州訓導先健女敘府戶部郎中金寬室詩

一首

寄外

鎮日多愁欲廢餐。長安天遠寄書難。庭前別我梅初發。月下懷君歲又殘。夜雨落花空繞砌。曉風吹笛獨憑闌。魚書雁帛無由得。京國霜多正早寒。

謝慧卿

慧卿巴縣女子詩一首

游仙詞

世外游仙卽是仙。丹書青鳥昨宵傳。雨收峯頂雲歸洞。風到池塘月滿天。

汪氏

氏內江劉五清室詩一首

寄外

旅食京華歲月多。青雲事業竟如何。明年佇聽泥金報。莫著襴衫到薜蘿。

楊氏

氏富順人隆昌諸生郭懋宏室楊述中司馬女
萬曆二十五年適懋宏未踰年懋宏死治命續
嗣二年宏弟生子孝懿又七年氏乃自縊天啟
五年旌表集未克見世傳誦誓詞一首

妾心

妾心一片鐵不與紅鑪滅
死未亡人撫孤矢竭力一
死鴻毛輕不受纖塵
涅妾髮可斷頭可截有渝此言明
神殛

馮氏

氏邛州人劉道貞子暎度室詩二首
春日卽事

閒步小橋東黃鶯處
二逢梨花風雨後人在綠楊中

望家

孤雁春江叫落霞
黃昏陰火起寒沙子規啼
徹青山月望裏高樓不見家

賈婦

婦氏未詳成都人詩一首

寄外

年二落魄苦謀生
歲二縫衣寄洛城
遠道早知憔悴盡
故鄉烽火若爲情

宋氏

氏內江人嫁甫十月外亡斷髮守節詩一首

噫詞

枉憐薄命際顛危。幾度含羞幾度悲。比翼一年腸寸斷。齊眉十月淚雙垂。豈同柳絮隨風轉。終擬泉臺共穴歸。天上修文休怨別。矢留清白著芳徽。

尹初蘭

初蘭宜賓尹子求大參女富順僉都御史劉沁
晉仲配詩七首

燕臺臥病

瘦日無光照窗白。枯樹杈桠霜似雪。長天雲動野為愁。寒鳥亦自求其穴。今我抱病宣南坊。終日顛風塵飛揚。望遠思家無限思。寂寞書齋嬾佛香。

賦梅

東風吹斷朝烟冷。老幹凌霜瘦蛟影。珊珊玉骨冰為魂。照水橫斜妝不整。

雨後江望

雨後水更明。秋風漸二聲。寒天白露滿。江上曉烟橫。

秋夜雨

秋風吹苦竹。餘響入松聲。孤燈照寒雨。敗葉滿窗鳴。

與夫子鼓琴

石闌秋月白。涼露如雨垂。竹外隋無語。並坐撫琴峕。

雨後

斜陽肯隱顯。淡二晚烟橫。雲捲天如沐。長江一色清。

巫山峽

大江日夜流。羣山橫積翠。瀑布吹晴雪。十二峯頭隊。

朱懷瓊

懷瓊蜀藩德陽王女劉晉仲繼室詩二首

塞下曲

飛沙烟霧裏。鼓角不曾休。殺氣一輪苦。羈心萬里愁。迢遙邊地澗。寂寞北庭秋。戍火如星密。征夫應白頭。

落花

風雨驚春晚。殘紅歷亂飛。忽忝遊客淚。來點異鄉衣。林表鶉頻喚。枝頭蝶乍依。餘香猶未歇。重得媚晴暉。

姚淑

淑字仲叔達州人李祥繼室詩一首

寄外 嶺南

年二嘆離別。此別何昔休。樓頭望不見。從今不上樓。海魚不可得。君書何處求。

蕭烈婦

烈婦姓劉富順人蕭參將室明季蜀大亂流寓

滇一日王師入城聞永明走緬甸已七歲幼

子付家奴送之參將所甫欲手刃季女自縊騎

突至遂挈而赴井並死世傳題壁詩十首今錄

五首

矢節詩寄外

小十三
馬革何人能裹屍。四維不振笑男兒。極天烽火傳幽閣。
駟使何由到雅黎。

苟活何如死便休。文姬胡拍總堪羞。馬嘶芳草香魂斷。
驚起人間節婦流。

行也悲傷坐亦傷。攜來季女立斜陽。心憐嗣續兒還父。
腸斷牽衣哭戰場。

士兵財去又官兵。國破家亡誓舍生。白練有緣紅粉盡。
青山何處卜佳城。

滄海桑田事可憐。焦頭豈復計眉然。成仁猶望同心子。
浴血驂鸞哭杜鵑。

蜀明詩卷第十五

